

新先其知
於清公而當
對筆任是書
譯梁皆本！
此比閱也
明而有比閱也

世界

地崇
散及
爾迎
海爾
克版
尼出
出購！

彙刊

尤文三利不
世日版便貧
行入期藏雅印
風有每客美
於常生類皆

海書局


四有石頭津，東有方山津，各
入，直水五八，以檢察藥物及
且分店各為五等，收稅有差
亦為後魏明帝所創始，其後
大帝時又除之。
書後
匠心之作，其功甚偉，非
史料，據我搜集之所得，頗有
陳如下：
貴族間的餽贈禮聘，都用獸
徵，似亦有以獸為幣的痕
Celtic 亦訓獸，故稱首飾
為幣的遺蹟。
以為一種重要財產，經用為
又「半物中分也」，從牛
又「物，萬物也」，牛為大物。
故從牛。「物之於牛者多
牛，亦從牛，似其音其大而始
種之，牛在農業社會，為主要
易中介」之用，亦可可知？故
鑄造貨幣之起原，果在何時？
人類最初之居於，為森
四互塞而形奏，食物雖缺乏
以貝魚以為生，人們在這裏生
具殼，堆積地上，在廣的面
河濱海岸都可以尋得。考古學
二 (L'objet) 亦貝殼
以古代人民多有用具，幣者
迹，尤其顯著。說「濟介
水名，象形，古「貨貝而寶
廣貝行錢。」我們試看凡經濟
字，足證中國在石器時代以貝
的幣，如財，貨，買，賣，貴
漢估寶與各種本色之比率表

賤，寶，負，等皆是。由殷墟掘發出來的遺物中
，只有以石或骨做成的貝形物，絕無金屬貨幣及其
他金屬物；而掘發出來的龜版文字，迄今所能辨識
者，只有貝字，或從貝的字，而絕無金字及從金的
字，自商書中的周書及詩經始，商書盤庚「茲字有
亂政，同位貝乃貝玉。」不曰金玉，而曰貝玉，詩
大雅棗棗篇，「追琢其章，金玉其相，」罔云金玉，
之言貝玉矣。又商書中，全不見金屬器物的名稱，
至於詩經，則數見不鮮。如「鐘鼓樂之」(關雎)「痔
以錢金專，奄觀銜芝」(臣工)足證周代已漸入銅器
時代，而金屬鑄造貨幣之起原，似當在周代以後，
周以前似尚未有金屬貨幣。所謂五帝時，已有鑄造
的金屬貨幣之說，恐不足信，商書在尚書中，為比
較可信之部分，討經亦非偽書，故頗可置信，又證
以發掘物，此種論定，似不為過於武斷。故就所知
以質吾弟，倘能彙集史料，進而為精細之研究，不
惟有裨貨幣學，即史學亦獲益非淺，斯不能不望之
吾弟矣，匆勿不盡白。
大劍敬

介紹新刊

漢口銀行雜誌

- 第一卷 第三號 目錄
- 漢口金融界之回顧.....史晉生
- 國際的貸借之關係.....方宗燾
- 銅元票.....士浩
- 津滙匯兌計算法.....李炳堂
- 統一漢口金融市場及改革銀行交易處芻議，方喜培
- 有價證券之評價.....周沉剛



邊鎮年例

明世法錄

薊州鎮年例銀四十二萬六千八百七十一兩八錢二分九厘三毫五絲又新增鹽菜銀九萬七千四百八十五兩二錢二分五厘
密雲鎮年例銀三十六萬五千三百九十一兩六錢六分六厘七毫五絲又新增鹽菜草乾銀七萬五千八百四十四兩八錢七分五厘

永平鎮年例銀二十八萬九千八百六十六兩四錢七分九厘又
新增鹽菜銀八萬四千八百一十二兩七錢

薊遼總督撫賞銀一十萬五百六十七兩四錢五分五厘五毫
昌平鎮年例銀一十四萬二百三十二兩四錢七分三厘九毫五



絲四忽又新增鹽菜銀二萬四千六百七十五兩八錢六分七厘五毫

易州鎮年例銀一十四萬六千五百九十五兩五錢二分

宣府鎮年例銀二十九萬九千一百五十六兩七錢八分

大同鎮年例銀四十五萬六千三百三十八兩

山西鎮年例銀二十萬六千三百兩

延綏鎮年例銀四十三萬三千七百三十九兩八錢七分

寧夏鎮年例銀一十三萬三千七百九十五兩二錢五分

甘肅鎮年例銀一十九萬七千五百八十八兩五錢三分五厘

固原鎮年例銀一十四萬五千八百二十三兩九錢二分六厘五

毫二絲

固原鎮下馬關放過年例銀四萬二千三百七十二兩九錢六分

助山海關新餉銀一十萬兩

遼東提塘千總月糧銀三千九百三十一兩

已上係天啟四年戶部冊

犒銀

泰昌元年戶部尚書李汝華查九邊十三鎮官兵暨總兵家丁并

召募新兵共八十八萬合犒銀一百萬兩法傳

水兌 雲臺藏稿

查歷年水兌本折解數多不足額陪京百萬之眾歲支不貲又查

本部庫貯不滿四十萬歲支四十餘萬或五十餘萬歲入常在三十萬上下昨歲則止收二十餘萬矣出浮於入堂堂農部檢括不足二年之儲尚可為壯根本乎細查拖欠之數自萬曆二十九年恩詔後為始至三十七年止逐一稽查水兌正米共欠一十九萬二百三十六石七斗七升水兌折米銀共欠一十三萬二千一百四十九兩三錢一分本色倉米豆共欠八十三萬九百二十三石五斗八升俸祿鹽鈔布絹草麥銀共欠八十九萬二千五百四十二兩零有司怠玩已極帑藏匱乏莫甚實可寒心

曆四十年八月

莊田 昭代紀略

慈慶慈寧乾清三宮莊田為地二萬一千一百六十六頃一十五

畝徵銀五十五萬八百一十四兩煤窑七十餘座徵銀一百七十兩菓樹六十餘株徵銀六十五兩此外又有王府功臣貴戚莊田更逾其數

納贖

崇禎十一年四月題准事例納贖款略

一在部候選貢監吏承等官照依本等品級納銀一卯卽選例
三司首領各納銀四百兩州同州判各納銀三百五十萬府首領納銀二百四十兩外縣縣丞納銀二百二十兩外縣主簿及州吏目各納銀二百兩外縣典史納銀一百六十兩布政司庫官納銀一百六十兩按察司獄官鹽場稅課官各納銀一百兩

倉巡驛丞等官各納銀六十兩
一貢監未經考定援納卽選例

文華殿中書納銀二千兩 武英殿中書納銀一千五百兩
光祿寺署丞納銀八百兩 布按二司經歷理問各納銀七百兩
副理問納銀六百兩 都司經歷斷事各納銀六百兩
一世弁納級仍沿原職支俸例

凡在京在外各衛所千百戶等官原係世職願納銀加級實授
百戶加衛鎮撫副千戶并所鎮撫加衛鎮撫各納銀五十兩加
正千戶各納銀一百兩加指揮僉事各納銀二百五十兩加指
揮同知各納銀二百八十兩試署者各加銀五十兩實授副千
戶及衛鎮撫加正千戶各納銀五十兩加指揮僉事各納銀一

不

百八十兩加指揮同知各納銀二百二十兩實授正千戶加指揮
同知納銀一百七十兩試署者各加銀五十兩總小旂納冠帶
各納銀三十兩冠帶總旂納所鎮撫百戶各納銀一百兩副千
戶衛鎮撫各納銀一百五十兩正千戶納銀二百兩冠帶小旂
如納焰總旂例每級加銀五十兩總小旂只許納至正千戶止試百戶所鎮
撫加納實授各納銀五十兩

一贖軍除永遠充軍并實盜倉庫錢糧實關封疆逆案及以死罪
改軍并以軍犯軍者槩准贖外其餘終身充軍者官犯附近准
納贖一千兩邊衛加三百兩邊遠加五百兩烟瘴加一千兩民
犯附近准納贖四百兩邊衛加一百兩邊遠加二百兩烟瘴加

四百兩

撫賞

天啓五年二月蔣元儀疏延
鎮撫賞每年二萬兩
改絹布足皆在其中

寧遠前屯衛以西至薊鎮一帶朵顏三衛之酋也雖狼子野心時
有歹狀然彼利歲賞終就籠索自寧遠以東至廣寧皆虎墩鬼懸
炒花宰賽等酋元之裔也部落雖多其勢不聯亦利我撫賞屬我
羈縻願撫獎之中有大難處除額賞定數不開外彙將到邊口有
牛羊段布米麪果酒之賞名曰迎風至邊口往下賞亦如迎風名
曰過夜到齊賞亦如迎風名曰祭旗酋差數人或數十人或差一
人講話或報某事報某警皆賞米麪酒肉果品名曰喫食以上各
項賞費更倍于額賞却不在額辦經費之數之內計其費卽以全

遼之額餉額賞新餉之數計之山海薊門并用之撫彛綽有餘擲
也張鶴鳴報

用彛

天啟二年七月遼撫王化貞揭云方遼瀋之陷西彛乘機搶掠人心洶懼職遣人謂之曰吾且西從永與介絕抄花聞之因遣使要
我無西即許納款故乘機羈縻加賞銀三千六百餘兩定盟以去
人始有固志虎墩虎慙遣其貴人桑阿思寒等來言共殺奴軟血
為誓因賞銀一千兩為乾糧之資抄花亦率其五大營來言助兵
亦領乾糧銀一萬兩此用彛始末唯因其勢而用之無費許多要
結慙八大營領去銀萬兩小歹青領銀二千兩抄花五大營領銀

一萬兩抄花等增新賞銀四千餘兩蓋以終前歲加懸賞之局分外彙使往來犒享及賞有功之彙不過數千通計三萬餘兩一一皆有籍記亦不敢輕百萬于無當之管也

馬市

萬曆二十八年六月遼東巡撫李植奏略謂遼左馬市創設有年諸撫賞貨物自二十二年以前共止費銀二千四百餘兩至二十三年委馬政官俞方策兼管或聽□酋重名詭名或比舊例加倍甚有增至三四倍者二十四年增至四千五百餘兩二十五年增至六千四百餘兩二十六年前撫臣張思忠察其弊端稽查裁抑仍用過二千七百餘兩□及要挾宣大之賞張思忠不勝其憤具

具疏請革馬市遂罷此廣寧馬市因革之大略也

續通考

進獻

嘉靖二十一年四月秦定王惟焯獻白金一萬金佐建宗廟

上賜玉帶一束歲加祿米二百石

萬曆三十年九月揚州富民吳時脩獻白金一十四萬兩詔授其

子弟各中書舍人

成化中海南進紅鸚鵡

萬曆五年有獻五色鸚鵡者詔入之

嘉靖丙寅戶部進綠石三塊共重三百五十六觔三十六年雲

南布政鮑道明獻寶石一萬五千八百顆四川巡撫黃光昇獻礪

萬曆二十七年歙縣監生吳養默獻其祖吳守禮家財二十萬兩命內官魯保造之通紀

萬曆二十八年稅監李敬進金珠一千四百餘兩

萬曆二十九年楊榮進寶珠

砂五百觔

永樂甲午秋榜葛刺國以麒麟來獻

宣德甲寅冬甘肅以龍獻

成化辛丑西域以二獅子進

索獅狀如黃狗頭大尾長各有鬚每獅日食活羊一羶醋酣蜜酪各一瓶

養獅人俱授以光祿給酒飯費亦浩大

嘉靖三年夏魯迷王進獅子西牛西犬西馬及阿骨刺馬駝珊瑚

珠玉

天順中西寧衛指揮汪某進五明黑馬一匹賞銀三十兩紵絲二

表裏鈔三千貫仍 賜敕獎諭山東平原儒學生員張進德進綠

色珠燈二副大圓燈二椀及墜燈飛龍結子華蓋仙童仙鶴壽帶

上納之賞鈔二千貫

崇禎十六年十二月西域獻千里馬命五城清道試城上不果
洪武二十年天壽聖節太師李善長進文綺九十五疋海西侯納
哈出進馬二匹高麗國王王禡遣門下評理偕長壽密直副使尹
就等貢金龍雙臺盞一金盃一金銀鐘二銀罐一玳瑁筆鞘十黃
白黑布六十安南國王陳焯遣使進馬三十匹真臘國王叅列寶
昆耶甘若者遣使進象及方物寶錄
故豪沈萬三子文度因籍沒蒲伏進黃金一百兩白金一千兩龍
文被一牀龍角一株奇寶十具異色繒四十疋設蒼

籍沒

侯震賜起曰年來發帑已多

而臣猶存乎見少何者負歲等項特可見者耳它如賦庫所貯

世宗朝沒入嚴嵩等以千萬

計其後祈禱僧齋費出九度

以為穢物悉置不用 神宗朝

沒馮保張鯨張誠張明陳矩田

珍及管庫孫慎霍指揮徐亞后

尚書楊兆等以億萬計德不可

以數量也今所發千萬即一馮保

當之有餘矣乃起三壑竭為慮

乎

豐談云嘉靖初籍得錢寧胡

椒三千石又籍得廖賜貂鼠皮

禪衣腰然則所謂胡椒八百斛

領軍鞵一屋者不足多也

國家籍沒權貴皆產勳臣則涼國公藍玉曹國公李景隆忠國公

石亨咸亨侯仇鸞文臣則少師嚴嵩武臣則錦衣都指揮紀綱都

督錢寧太保陸炳平鹵伯江彬中貴則內官太監袁琦司禮太監

王振曹吉祥劉瑾張雄張銳畢真李彬馮保而其富無過於振瑾

彬寧嵩保六家

正德中籍沒劉瑾貨財金二十四萬錠又五萬七千八百兩元

寶五百萬錠銀八百萬又一百五十八萬三千六百兩寶石二

斗金甲二金鈎三千玉帶四千一百六十二束獅蠻帶二束金

銀湯盞五百蟒衣四百七十襲牙牌二櫃穿宮牌五百金牌袞

袍四八爪金龍盞甲三千玉琴一玉珎印一已上金共一千二百五萬七千八百

兩銀共二萬五千九百五
十八萬三千六百兩

嘉靖初籍沒朱寧貨財金七十扛共十萬五千兩銀二千四百
九十扛共四百九十八萬兩碎金四箱碎銀十匱金銀湯鹽四
百金首飾五百十一箱珍珠二匱金銀臺盞四百二十副玉帶
二千五百束金縵環四箱珍珠眉葉纓絡七箱烏木盆二花盆
二沉香盆二金仙鶴二對織金蟒衣五百箱羅鈿屏風五十座
大理石屏風三十三座圍屏五十三扛蘇木七十扛胡椒三千
五十石香椒三十扛段匹三千五百八十扛綾絹布三百三十
扛錫器磁器三百扛佛像一百三十櫃又三十扛祖母瑤佛一
尊銅鐵獅子四百車銅盆五百古銅鑪八百三十古畫四十扛

嚴氏籍沒時有金絲帷帳器金
為之輕細洞徹又有八音溺器
金溺器之類執政恐駭上聽令
銷之以金數報而已
分宜沒入時有晏元獻文集一部
子餘帙蓋鈔本也后夫不傳

白玉琴一金船二白玉琵琶一銅器五十扛巧石八十扛震澤長語
正德十六年三月籍沒江彬家產金七十櫃每櫃一千五百兩
銀二千二百櫃每櫃千兩金共一十萬五千兩銀共四百四十萬兩金銀首飾五百
一十箱金錫湯鼓四百個餘物不可勝計留青日札
嘉靖四十四年八月籍沒嚴嵩家產金共一萬三千一百七十
一兩六錢五分淨金器四首飾等項共重三萬二千九百六十
九兩八錢銀二百零一萬三千四百七十八兩九錢淨銀銀器
共重二百二萬七千九十九兩一錢玉器八百五十七件玉帶二
百零二束金廂玳瑁犀角瑪瑙銀珥珠鈿牙香等帶共一百二
十四條緞絹紗絢絨綾布葛共一萬四千三百三十一匹零一

萬曆十二年籍沒張居正家其
產不及嚴嵩二十分之一伊萬張居
易張嗣修張順張書俱發烟
瘴地面充軍

殿古銅器一千一百二十七件 通計淨銀并器四首飾與變
賣寄借銀二百三十四萬二千七百三十一兩七錢七分七厘

二毫

留青
日札

萬曆十一年籍沒馮保家產保金銀百餘萬計珠寶瑰異以萬計
宅舍田產等是時內藏一時充物 法傳

刑部侍郎丘橈籍沒張江陵家得藏黃金將萬兩白金十萬餘兩
長子懋脩誣服寄藏三十萬金於曾省吾王篆等家上命追贓
先是丘橈等行江陵諸子焚毀其奇貨禁物荊州守令先時錄
其人口而子女遜避去寶不及發皆錮其門餓死者十餘曹為
犬所食長子懋脩自縊家人亦多有從死者

京京師巨惡徐性善故父良佐以棍徒謀進御用監書寫交結馮保盜出成化間工造鎮庫填青字樣圓寶家中現貯十二窖每窖約有一十二萬餘兩晴珠異寶現存數經河南道御史黃卷疏奏奉旨籍沒

萬曆二十八年湖廣騰驤衛百戶奏興國州民徐泉等朋掘黃金巨萬內有唐相李林甫夫人楊氏誥命金牌金童金香爐等物猶有左右金銀窖未開上命查明解部案徐泉之掘也在西塞山地名古墓係元衛公呂文德其夫人楊氏止得金盃一金盤一金牌金絲一銀二錠計二十七兩

抄沒

天啟四年抄沒徽州吳養春程蕩庚家產吳養春銀六十五萬兩

崇禎 年太監李永貞伏
誅并劉若愚李實共籍沒銀
三十七萬兩

太監張未紀為恭進銀兩事

奉

聖旨這逆犯魏忠賢莊房

變價銀三萬九千五百四十九兩

九錢二分著交進內府照數查

收其未完之處俟完日另進該

部知道

山場木植銀三十萬兩程夢庚銀一十三萬六千兩俱嚴進助工
崔呈秀奉旨籍沒十月十二日在西宅裏查出銀二萬五千兩十
二日在東宅裏查出銀一萬零九百七十二兩赤金三百四十三
兩二錢十九日薊州起出三處銀一萬九千六百五十兩二十日
起出銀八千零四十兩五錢二十一日又在書房裡搜出七千五
百五十兩共銀七萬一千二百一十二兩五錢東宅箱籠厨櫃共
一百九十五隻西宅箱籠厨櫃共一百一十四隻外駱從古當舖
原領銀一萬兩又京師宅裏東首小房掘出銀一萬一千五百兩
又一間掘出銀一萬九千八百兩其餘箱籠三十四隻內有玉帶
金銀器四衣服等件京裏盤出共又銀六萬三千三百兩金盃八

隻金罐一箇銀盃三十六隻銀盤四十隻銀碗四十六隻銀酒壺
二把銀鑲大盃六十隻小盃二十隻銀盆一箇銀八僊一座玉杯
盤四十九件瑪瑙盃一箇琥珀數珠一串金簪碧玉簪四十五隻
金銀象牙玉帶七條犀杯盤四十件銅鑪瓶六十件玉壺玉杯三
十九件玻璃犀杯三十六件珊瑚五枝象牙笏六枝牙筋六十二把
銀仙銀船銀鶴共十一件珠蟹一隻灑線絨紬綾緞紗羅共七百
九十二疋衣服一百八十六件帳幙四十九件人參二箱連香三
箱金川扇一箱蘇金扇二箱蟒衣倭段五十七件

樵史

魏忠賢籍沒其庄房地俱估價變賣共該銀四萬四千五百兩

樵史

工部尚書崔呈秀為三殿奉
成事奉

聖有中建二殿告成在通所需
錢糧甚是緊急這各省真
捐助搜掠銀尺至二百十七萬八
千四百兩捐俸名有實允何裨
濟用着嚴行各省直撫按照
數勒限追解以濟燃眉
奉

上諭兩門三殿工程浩煩令中
宮等宮諸王公主并司禮監等
衙門各監局司印庫掌印管
印牌子及內外私家閑住太監
等官恭進助工銀共二十四萬
俱發二廠貯收

殿工

三殿工價天啟五年二月二十二日啟工七月初二日工完
共用過工價五百九十五萬七千五百一十九兩零兩朝從信錄
督理工程科道今將天啟六年八九兩月收助工錢糧數目開
後

南兵部解太僕寺吏書項首銀一千八百八十四兩

山西布政司解按院安伸搜括銀一千五百兩又節省銀三百

兩

登州府解寧海州天啟五年課程銀五十兩三錢

廣西巡按王 解助工銀一百二十兩

原任陝西巡撫喬應甲捐助銀七十四兩七錢三分

宣大總督張朴解搜括銀三千八百兩

學院李蕃解吏書頂首銀一千四百兩

河東鹽運司解天啟六年分鹽課加增銀三千五百一十九兩一錢

山東布政司解事例銀三千兩

原任吏科魏照康助銀五十兩

福建布政司解搜括銀四萬八千二百七十八兩一錢三分

甘肅巡撫王 解助工銀一千四百三十一兩

江西南昌府解納貢銀六百一十二兩

雲南道周用賓解捐俸銀六十四兩五錢

光祿少卿倫肇修助銀六十兩

通政司解吏書頂首銀二百零四兩

福建布政黃景章解搜括銀七萬九千二百七兩九錢

南刑部解吏書頂首銀四百一十兩

廣西布政司解武職等官捐助銀四百五十兩二錢

登州府解萊陽縣天啟六年課程銀八十兩四錢

登萊指揮羅寰解各營官捐助銀六百零五兩三錢

登萊巡按李嵩助銀一百八十五兩五錢

廣東道劉其忠解助工銀五十六兩一錢

蘇州府解犯官顧大章贓銀一萬七千五百兩各屬納附事例

銀一萬五千二百十兩學銀祖五百兩

職方司郎中吳淳夫助銀三十兩

原任遼東巡撫張鳳翼助銀一百兩

陝西總督王之采搜括銀九百十二兩

河西巡撫劉惟忠搜括銀一千零一十五兩

滄豐關主事馬任遠解助工銀一千二百兩

陝西布政司解撫院張維樞節省銀二萬三百九十二兩

李葵解犯官趙可弘段展李一道等贓銀四千二十兩

歸德府廩生張景衡納貢銀四百六十八兩

河南布政司解事例銀一萬一千三百一十兩又孟津縣鄉官
喬允升捐助銀一百五十兩

南大理寺解吏書頂首銀五十兩

登州府解招遠縣天啟六年課程銀一十五兩六錢

臨洮總兵白兆慶解助工銀一千七十二兩

山東司解犯官方震孺贓銀五百四十兩

順天府解節省銀二千八百零二兩六錢又吏書頂首銀六百
九十一兩五錢

鎮撫司解犯人史大仁等贓銀一千八百一十三兩二錢

順天巡撫劉詔解民兵助銀六千三百二十六兩

保定巡撫郭 解本屬吏書頂首銀三千三百十四兩五錢

陝西道張應辰助銀五十兩

揚州府解犯人袁世振朱光耀等贓銀一千九百九兩六錢

浙江布政司解納附銀一萬零二百七十兩

主客司主事李政修助銀三十兩

衛耀府獲嘉縣解助庫缺料銀一千零六兩

永平府解永山二道搜括銀一千二百一十四兩五錢援納生

員銀二百六十兩遷安縣捐銀一百五十兩吏書頂首銀二百

四十三兩二錢

遼東巡撫袁應泰助銀一百七十兩寧前道畢 助銀八十兩

江西布政司解納附銀二萬一千四百五十兩又張缺援納百
戶銀一百五十兩又犯官熊明遇贓銀一千二百兩

北新關主事周世賞助工銀一千二百三十八兩八錢

原任大學士葉向高助工銀二百五十兩

南太常寺解吏書頂首銀五十兩

南吏部解吏書頂首銀三百四十兩

山西布政司解巡按王憲知助工銀五千兩又大汾沁州縣加

稅課銀五百八十三兩三錢

常州府解納附銀一萬二千四百八十兩學租銀四百一十兩

又解犯官毛土龍陳景源贓銀三千一百十二兩七錢

南禮部解助工銀一百一十兩

鳳陽府解巡按李應薦吏書頂首銀三千兩項下賦銀一千一百兩又天啟五年稅契銀七百八十兩八錢又學院賈繼春搜括銀三百三十兩又知府晏日啟助銀三百兩戶部員外未明時主事喬巍等共助銀四百七十七兩九錢

南京解都察院等衙門吏書頂首銀二千六十兩

浙江布政司解助工銀五千六百九十九兩

太僕寺解兵部侍郎魏應嘉搜括銀三千三百五十六兩

尚寶司少卿周爾發助銀四十兩

保定府解稅契銀二百二十三兩九錢五分

山東鹽運司解鹽課銀三千二百一十八兩六錢

寶泉局解尚書郭允等搜括厚內銀錢五百萬文

南通政司解頂首銀五十兩

揚州府解犯官張世繼贓銀三千四百兩

陝西布政司解納附銀二千八百六十兩又梁永所房產變價銀一千九百一十二兩

廣西布政司解桂平府州縣助工銀八千一百九十六兩八錢又各衙門頂首銀三千一十二兩五錢

臨清磚廠郎中吳國楨助工銀一百二十兩

商丘縣廩生楊濬之納貢銀四百六十八兩

甘肅巡撫 助工銀一百五十兩

埧州文安縣解搜括銀八十五兩零

山西布政司解巡撫曹爾楨搜括銀一千六百兩本司并府州

縣搜括銀一萬三千二百四十四兩又太原等府州縣天啟六

年公費銀一萬八千五百九十兩

淮安府解巡撫呂兆熊捐助銀八千八十五兩又納附銀二千

六百兩

原任兵部尚書王象乾助銀二百五十兩

山東布政司解納附銀二萬六千兩各府州縣頂首銀六百兩

又承差納辦銀一千六百兩

登州同知解登萊撫院吏承頂首銀三百兩

大工科院吏書輸納找完銀六百兩

薊州解天啟五年新城侯王昇子粒銀八百兩

河間府候選運判趙光宇助銀八百兩

督師王之臣解贓銀一千一百九十二兩


山西布政司解巡按安伸搜括銀七百二十兩又各屬納附銀

三萬九千五百二十兩

河南布政司解光山縣犯官夏之令贓銀五千兩又巡按楊維

垣助工銀三千一百兩

定西侯蔣惟恭助銀三十兩



光祿寺卿詹爾達助銀一百兩
太常寺卿岑爾進助銀一百兩
祠祭司員外丘履嘉銀三十兩
巡按御史徐卿伯助銀三百兩
原任吏部尚書李宗延助銀二百兩
原任大學士朱國楨助銀二百兩
鎮撫司解犯官周起元贓銀二千七百一十六兩三錢
南光祿寺解吏書頂首銀八十兩
廠庫科院解吏書頂首銀一千兩
易州山廠解吏書銀一十二兩



廣西巡按王政新解節省銀一百三十二兩

河西務鈔關解船料銀六百零二兩

南禮監太監胡良輔解揚鳳蘇操餉馬價餘銀三十萬二

千兩

徐州知州閔解助工銀二萬六千二百四十九兩八錢又所

屬蕭沛等縣稅契銀三百二十兩三錢零

臨清鈔關主事王時和解助工銀二千二百兩

兩淮鹽商弘等納引助工銀六十兩

廣德州解搜括銀一百兩零二錢

福建布政司解西庫銀三萬三千七百四十三兩零

戶部寶泉司郎中杜汝懿解侍郎靳于中搜庫羨助工錢二十
八萬六千八百五十八文計值銀五百二十一兩五錢六分

助餉 萬曆四十七八兩年

南太僕寺少卿吳炯助銀一萬兩

太常寺少卿楊東明助銀八百兩

尚寶司少卿袁可立助銀五百兩

山東道御史田珍助銀二百兩

文華殿中書舍人楊東光助銀四百兩

武英殿中書舍人李時馨助銀三百兩

江西道御史張惟慎助銀三百兩


光祿寺典簿沈文銳助銀五百七十兩

陝西按察使司副使楊堯萃助銀五百兩

太原府同知吳登仕助銀八百兩

睢州儒學士員劉璿助銀六百兩先公筆記

韓王助餉銀二千五百兩
天啟元年七月



溫州市圖書館

WENZHOU LIBRARY


天啓元年閏二月倪應眷
 疏遼餉歲用折色三百六十
 萬本色二百餘萬又軍興以來
 部發銀一千一百一十八萬七千
 六百四十四
 三年毛文龍疏自有東西以來
 海內加派新餉每歲四百萬兩
 又有遼餉舊額每歲一百萬
 兩
 六年三月陸文獻疏云東西獨
 擬以來遼事三方特角費金
 錢六七百萬黔事三省會師
 亦歲費二百餘萬
 遼左之役調兵一十八萬歲
 增餉三百三十萬有奇陸運
 車三萬七千輛牛馬七萬四千
 頭

會議遼餉

天啓元年二月會議遼餉

- 一專官鼓鑄制錢
- 一南都牧馬場地
- 一東南半壁海田
- 一南北戶工關廠
- 一督撫應節軍餉
- 一州縣應汰民兵
- 一南北諸司改折
- 一省直 穀糶銀

- 一專官督理屯種
- 一長江上下蘆洲
- 一腹裏衛所屯糧
- 一省直房屋稅契
- 一郡國應裁冗員
- 一省直應請徭役
- 一內外諸司積存
- 一省直間地變價



一事例改輸本色
 一海陸召買轉運
 一內外釐核收支

一加派分析各部
 一省直催征起解
 一內外申嚴考課



温州市图书馆

WENZHOU LIBRARY

列朝私紀卷之

永嘉周天錫

孝廟

純皇之誕 孝廟也時萬貴妃寵冠后廷宮中有孕者百方墮之

金陵瑣事云黃太監某保養
孝廟最有功及登極賜賚
甚厚今世搬演陳琳救盒戲久
乃影黃太監耳

孝穆太后舊為宮人入侍已而有孕貴妃使醫墮之竟不能下

潛育之西宮報曰已墮 上不知也一日 上坐內殿咄嗟自歎

內使跪問故 上曰汝不見百官奏耶小內使應曰萬歲已有

皇子第不知耳 上愕然問安在對曰奴言即死於是太監懷思

頓首曰內使言是 皇子潛養西宮今已三月匿不敢聞 上即

敕百官語狀明日廷臣吉服 賀遣使往迎 皇子使至宣詔

孝穆抱 皇子泣曰兒去我不得活兒見黃袍有鬚者即而父也
皇子衣小緋袍乘小轎子擁至奉天門下 上抱置之膝 皇
子輒抱上頸呼曰爹爹 上悲泣是日頒詔天下時 孝肅居仁
壽宮恐 皇子為貴妃所傷乃語 上曰以兒付我 皇子遂居
東朝自是諸宮報生 皇子者相繼矣一日 上出貴妃召太子
食 孝肅謂太子曰兒去母食也太子至中宮貴妃賜食曰已飽
進羹曰羹疑有毒貴妃大恚曰是兒數歲即如是他日魚肉我矣
忿不能語以致成疾初 孝穆為宮人時有宮人當直宿者病而
強 孝穆代之遂有孕云 孝廟既生頂上有數寸許無髮益藥
所中也傳云太子迎入東朝貴妃使使賜 孝穆死或曰 孝穆

自縊萬曆甲戌一老中官為予道說如此

穀山筆塵

儲貳

世廟晚年諱言儲貳有涉一字者死 穆考在潛邸朝夕危懼
今上誕生不敢奏聞至兩月間不敢剪髮一日有宮女最幸者乘
間以聞 上怒而譴之宮中股栗莫知所為太監黃錦熟念無可
為策一日伺 上色喜即命宮女中官於殿廷欄楯所至皆寘樽
俎 上問何故黃即伏奏 皇上有喜上曰何喜黃曰 上自思
之 上遂迴曰念唯生一孫差可喜耳黃即呼宮女中官頓首呼
萬歲於是禮官始敢以皇孫聞也

萬貴妃

我朝 憲廟最寵貴妃萬嘗得罪 孝廟外傳萬自盡嘗見一中
官說萬體豐肥一日以拂子撻一宮人怒甚遂疫厥而死蓋猝疾
云內人傳報 憲廟玉色憮然曰萬使長去我也待要去也不久
遂賓天鍾情之傷若此餘山話

鄭貴妃

神宗時貴妃得寵其父兄鄭國泰等日夜謀釁構成離間妃復譖
於 上加害 太后寥落苦攝幾三十年 太后忿懣失明左右
無一宮侍在側凡日膳內臣寘於外殿請 太后出外自取貴妃
令腹心內嬖採訪捧膳者何人既而垂危思光廟一面以冀永別
未奉貴妃之命不敢啟閣遂阻 光宗哭於宮外至氣絕方請入

已仙逝矣其髮鬢鬆坐而不臥無復后稷禮幽苦不可勝言光
宗登極始追贈徽號出王昇奏疏三朝傳

中宮廢立

世宗篤於倫常嘉靖元年立 皇后陳氏八年崩謚悼靈立順妃
張氏為 皇后十三年正月癸卯廢越十日立德妃方氏為 皇
后張后以十五年薨用廢后吳氏禮葬之中宮之廢非小事也中
間緣故史官不著一字楚史亦無有及者豈宮禁事祕非外人所
得與知耶余童子時一老儒為言張后之廢實由張延齡兄弟
世宗方以 昭聖初年裁抑 章聖憤甚而延齡故多怨家為人
所訐下獄 昭聖急因 上生子諭來見致賀 上辭之再諭再

辭之益皇急托張后為言后方有盛寵乘夜宴述 太后意而
太后亦先遣人傳 上云延齡事將就罷 上已怒諭閣臣謂
太后云云然猶未有以發及聞后言大怒即褫冠服與杖明日下
令廢黜延齡竟坐死考之史錄日月正相值老儒之言真耶其亦
齊東之語耶 世宗以 母后故不顧燕婉之好誠剛誠柔而張
后之不幸已甚 昭聖此時又何以為情夫 昭聖專寵驕妬致
孝廟終身無他嬪御養成二張之惡武宗立母族甚見疎外 昭
聖默默已不能得之於子胎禍極於 世宗所存者一虛名耳
孝廟在天之靈將何以慰耶

湧幢小品

許嬪

萬曆中有許壻者兩宮災時見 上火詎曰昏君不知省改已拜
中宮又昵貴妃 上怒遣寘冷宮中餓之數日 中宮言當與杓
水始得活至三十年八月以疾薨 詔以禮葬 昭代

趙選侍

光廟選侍趙氏與魏客不協矯旨賜之死選侍盡出所賜珍玩列
於庭再拜自經裕妃張氏方妊膺冊封禮客氏譖于上絕其飲食
閉禳道中偶天雨匍匐掬簷溜數口而絕又矯旨革成妃玉李氏
封號幽閉一空成妃故鑿裕妃以飢死密貯食物壁間數日不死
魏客怒少解斥為宮人遷于乾西所皇后張氏素精明魏客憚之
后方有身腰痛客氏密布腹心宮人奉御無狀實馬又於上郊天

之日掩殺胡貴人以暴疾聞

法傳

張皇后

天啟六年十月順天府丞劉志選上言張國紀怙惡不悛下旨切

責國紀后父也后賢明客氏忌之誣稱后非國紀女幾挫天聽魏

忠賢嫉志選及御史梁孟環論之志選疏有丹山上一日幸后宮

顧見几上書一卷問何書后曰趙高傳也上默然忠賢益怒次日

伏壯士數人於便殿上御殿搜得之懷刃上大驚送殿衛鞫

問忠賢乃誣后父國紀謀立信王為不軌欲興大獄謀之王體

乾體乾曰主上凡事憤憤獨於夫婦兄弟不薄脫有變吾輩無

唯類矣忠賢懼乃亟殺之以滅口事得寢

紀事

通紀云劉志選奏 后父張國紀謀官婢韋氏作妾佔樂戶住
房以居選除而納賄行求鬻獄而輒稱 懿旨甚至訓及于丹
山之穴藍田之種者此又臣所不敢輕言也 上下旨切責令
國紀洗心滌慮以就令國初志選疏入當日已有重慶處之傳
閣臣李國楮曰君之與臣猶父之與母世安有佐父以構母者
况原無間隙之父母乎國紀因得從輕
野乘云張皇后父名國紀甲申之變初傳后縊不得其尸既而
有曰 先帝將去煤山請后自裁后不從城陷為李賊所得後
竟西去傳聞如此又聞國紀初見弃女於道在霜雪中不死收
歸育之及長姿貌絕世國紀欲納於妾俄入房見紅光滿室意

必為貴人乃撫為女後果正位中宮 崇禎末民間訛言 熹廟有遺孤在宮或云非 熹廟所遺此皆流寇偽造動搖人心者

王才人

萬曆三十三年十一月 皇長孫生其所生母王氏未有名號

上命禮部定擬以聞禮臣所擬不稱 旨 上乃於宮中出一書

曰 皇明禮制以示閣臣云 皇太子親王之妾俱稱才人閣臣

上言此書臣閣中及部中俱所無有請頒禮臣依此擬之乃加號曰才人天啟初年進諡 孝和皇太后或云此書乃建文時所輯

也
昭代
紀畧

魏慎嬪

萬曆丙午元夕御宴慎嬪魏氏勸停礦稅取君民同樂因面斥鄭
貴妃為妹妲忤 旨幽之別室七日卒嬪魏縣人好直諫與 孝
靖深相結素為鄭所忌 光皇七歲時微有水厄嬪力護得無恙
鄭妃恨之遭擯斥者屢矣及譴死頗著霧異上嘗念之卹最厚紀通

郭國嬪

郭國嬪諱愛字善理鳳陽人穎悟警敏賢而能文 宣宗聞之召
至宮二旬而卒先數日有知必死復書楚辭以自哀其詞曰修短
有數兮不足較也生則如夢兮死則覺也先吾親而歸兮獨慙乎
子之孝也心悽悽而不能已兮是則可悼也類稿

兩宮

皇太后之父母自來罕有存者

神皇即位尊 皇后為

仁聖皇太后 皇貴妃為

慈聖皇太后 兩宮並重其父母皆存貞太平盛事 慈聖母王

氏時入宮 聖母以家人禮上食王避匿曰太后至尊奈何以老

婦褻朝廷禮賞賜不可勝紀

慈懿英宗正雖加二字為重然特虛名耳於外家無所推恩初

英宗重念 后族胤嗣單弱每欲昨雄茅土 慈懿輒辭謝故終

身不及封拜

憲宗念累朝外戚俱有封爵乃封承宗為安昌伯而

周太后家封二伯尋晉侯恩禮隆厚百倍于錢及慈懿崩阼於

周太后幾不得祔賴憲宗明聖大臣力爭始得祔蓋嫡母雖尊

比易代決不敢敵生母觀慈懿之云則仁聖得此已極崇重

而陳氏亦云厚世矣

昭代
紀略

御膳

世廟久在西內朝夕御膳不用大官所供皆以左右貴璫輪直供
應取其精潔便適也諸璫以此市寵務為豐華穆廟以來相沿
為例已而賜予日減諸璫匱竭而供膳之費不減舊時無論其邦
即司禮之長日役內使百餘以供廚傳所費可知也諸璫力不能

供無以為資往往請託諸司以佐其費蠹政之源亦有在焉

內宴

上初卽位宮中內宴 仁聖上座 慈聖猶在閣中不敢同坐其
後稍久乃並坐云國朝家法極嚴 上詣 兩宮朝皆設席座前
起居叩頭跪而受茶迄不敢坐卽時內宴上座 上坐東閣 中
宮坐西閣每一進酒 上自執爵 中宮持罇長跪而獻仍各退
入東西閣再奏又出以至九奏傳 兩宮起 上與中宮仍跪請
留已乃設小座於閣內 兩宮 帝后同座行爵無算始為家人
語蓋大宴 帝后不坐也宮中內宴謂之上座先時有奏書宴有
致語皆詞林撰進

狎教坊妓

景皇狎教坊妓李惜兒召入宮中官其兄李安賜房屋金帛千計
毅皇狎太原妓劉良女携以從大愛幸之飲食起居必與偕上至
臨清復乘飛舸至張家灣挾劉而南道遇湖廣右參議林文績入
其舟奪一妾而去至大同娶都督馬昂妹至綏德幸總兵戴叔家
娶其女

外紀正德末年 駕駐南都日以泛龍舫為戲忽欲幸蜀諫者
皆不從適 上所嬖娼號劉娘娘者言 上往吾不能從 上
乃止

巡邊

正德戊寅二月 上巡邊還文臣百官具陣詞以迎其文曰恭惟
總督軍務威武大將軍朱 負出類之奇才抱超羣之絕藝以聖
賢之德專將相之權時因小醜跳梁遂率大軍征討深思遠慮後
殿有前驅陣方布於疆場賊已落於陷穽上以安乎 社稷下以
慰乎臣民操馭之精湯武與之同烈戰攻之妙孫吳為之下風福
及當年慶流后裔班師有待觀示無疆某等欲罄愚心同呈俚語
詞曰曉來聽得平胡報工賈士農開口笑一鞭傾倒虎狼巢萬騎
踏平荆楚道旌旗旋奏邊徼歌回光 九廟將軍福力重如山
萬國千邦人倚靠右調寄玉樓春

辛第

外紀

宸濠謀逆 武宗親征既得凱旋遂駐蹕金陵復渡江幸楊一清
第賜絕句十二首公又有應制律詩四首應制賀聖武詩絕句十
二首編為二卷名車駕幸第錄公自叙謂虞廷賡歌之後古帝王
有以詩章寵臣下者不過一篇數言而止未有聯章累牘若是其
盛者至於屈 萬乘之尊在位者或有之然亦鮮矣若罷政歸休
者為尤鮮王守溪鑿有四絕句云相國彩家江水湄金山望幸已
多時太平金鏡無由進願得迴鑿一顧之 趙普元為社稷臣君
臣魚水更何人難虛雪夜相過意海錯尤堪佐酒処 北固山前
駐翠華殷勤來訪相臣家太湖怪石慙多幸也得相隨載后車
賡歌千載盛明良宸翰如金更煒煌漫衍魚龍看未了藜園新部

出西廂

列傳云正德十五年上自稱威武大將軍南巡至鎮江幸大學士楊一清私第御製詩十二首以賜命一清即席恭和歡宴沾醉盡夜闌而罷相傳上將臨大學士靳貴喪命詞臣撰祭文皆不稱旨乃御製一首云朕居東宮先生為傅朕登大寶先生為輔朕今南游先生已矣嗚呼哀哉代言之臣老於文學者皆歎息歛手埜史載上幸宣府製小詞有野花偏有邑村酒醉人多蓋天縱聖神言語文字之妙信不關學問也

綵帳

正德戊寅正月己巳

上傳旨群臣用曳徽大帽鸞帶奉迎丙午

上還自宣府群臣候德勝門外中官預傳上意具綵帳數十綵
聯數千皆金織字序詞惟稱威武大將軍不敢及尊號眾官列
名於下亦不敢稱臣又具白金羊酒綵幣於一紅梵夾進御為賀
儀良久上戎服乘赤馬佩劍而來邊騎簇擁見火毬起戈矛間
煙氣直上乃知駕至群臣皆於道左叩頭上下馬坐御幄
大學士楊廷和奉觴梁儲注酒蔣冕奉果橘毛紀奉金花稱賀
上飲畢云朕在榆河親斬酋首一級廷和等叩頭對曰皇上聖
武臣等不勝慶幸上遂馳馬由東華門入豹房越十四日賜文
武臣銀牌于左順門一品重二十兩二品三品十兩文曰慶功五
綵節之賞以朱組四品五品及都給事四兩給事中御史三兩文

曰賞功貫以青組蓋酬綵帳賀幣之價也唯翰林以無賀儀不與
賜云國史

取截江網

成化十八年司設監杜福友傳旨着國子監生湯榮軍舍孫智前
往常州府取截江網古書一部盧岐僧院刻絲作羅漢一十八幅
觀音二幅再有古蹟書畫尋來進用憲章錄

與張真人書

世廟與張真人書自稱元陽帝君嘉靖六年又稱象一帝君書奉正一
嗣教張真人幕下後書嘉靖十八載孟秋吉日象一拜圖書云元
陽寶記

恩封

嘉靖三十五年恩封 睿宗為三天金闕无上玉堂都仙法主玄
元道德哲慧聖尊開真仁化大帝 獻皇后為三天金闕无上玉
堂總仙法主玄元道德哲慧聖母慈化天后

上初封靄霄上清統雷元陽妙一飛玄真君加封九天弘教普濟
生霧掌陰陽功過大道思仁紫極仙翁一陽真人元虛玄應開化
伏魔忠孝帝君再加太上大羅天仙紫極長生聖智昭靄統三元
證應玉虛總掌五雷大真人玄都境萬壽帝君自是至四十五年
又不可勝紀矣

法號

正德五年 上自號大慶法王西天覺道圓明自在大定慧佛特
給黃金白玉軸頭誥命

武宗嘗易名為壽命給御馬監太監天字一號牙牌外紀

武廟樂以異域事為戲又更名以從其習學韃靼言則自名為
忽必烈習回回舞則自名為沙吉教爛學西蕃刺麻僧教則自
名為大寶法王領占班丹云外紀

封號

萬曆四十二年 敕封宋岳飛為神霄右監門靖魔王將忠勇岳
鄂王盪寇大元帥又加封誅邪輔正將精忠武穆帝君見崇禎八
年九月武穆裔孫岳虞牧疏

天啟四年三月 敕封護國濟運金龍四大王通濟平浪元帥從
總漕蘇茂相請也七月 敕封三界伏魔大帝神威遠鎮天尊關
聖帝君案封號出自 神廟遣內使捧袞冕至廟中未經禮部不
得其詳至是奏請定正 詔海內遵行

五齋五平 上自燕大氣志王西天童童圖印自孫大女慧新林
故當金曰王坤殿給命
為宗書系或為奉命命神廟賜題本題天卷一經本册他
右應崇以真奉事為法天卷系以必其醫氣神靈言限自子成
思心然皆回回我限自必為必吉其神靈言限自子成

賜黃金

國朝黃金不以賞而自葉昇

靖寧侯葉昇以擒賊首功賜黃金二伯兩白金三十兩

池裕

池裕以獲寶功賜黃金一伯兩白金三伯兩

外正統中三殿工完賞太監阮安曾保各

金五十兩銀一百兩綵段八表裏鈔一萬貫景泰中以叅將楊俊

獲喜寧功并總兵官朱謙各賞金三十兩銀六十兩加賞俊金二

十兩銀三十兩綵幣三表裏又以立東宮賞大學士陳循高穀江

淵蕭鎡商輅各黃金五十兩賜黃金凡五見

賜潑醅酒

宣德三年楊榮楊士奇等十八人從游萬壽山賜以潑醅酒復命

游小山看西域所貢二獅

賜黃金兜牟

麓川思任發叛命將貴為平蠻將軍王驥總督軍務率兵征之頻
行賜黃金兜牟細鎧蟒綉緋衣朱弓矢

谷蜀二王賞物

永樂初賞谷王穗金川門功樂七奏衛士三百金銀大劍金三百
兩銀三千兩鈔三萬錠綵幣三百疋良馬二匹金龍鞍轡二副又
馬二十四匹金鞍二副銀五百兩鈔四萬六千錠錦十疋紵絲綾
羅各六十疋絹一百九十疋又銀一千兩鈔三萬錠袍衣三襲絹
五百疋白兜羅錦十條西洋布三十疋檀香三十斤降真香五百
斤胡椒蘇木各千斤良馬十匹羊百羖酒五百瓶椰子三百大者

百人賞蜀王椿發谷府又謀功黃金二百兩銀一千兩鈔四萬錠
玉帶一圍金織袞龍紵絲紗羅衣九襲紵絲紗羅各五十足絨錦
十足綵絹千足兜羅錦十條高麗布一百疋白米千石胡椒十斤
良馬十匹金鞍一副又銀四千五百兩鈔十萬錠米一萬石紵絲
五百疋紗羅各二百五十疋絹一千疋兜羅錦六十條蘇木五千
斤胡椒三千斤珍珠一百九十二兩馬一百匹金鞍一副火者
百人雖取燕都定中原之賞不能望萬一也

設蒼

賜鐵簡

劉憬為閣門使 賜第馬衣帶又金書除奸敵佞四字於鐵簡以
賜之

賜髹几

董倫恩縣人建文皇帝即位召拜翰林學士賜御書怡老堂扁及髹几玉鳩杖各一倫上表謝有云桓榮設几杖于太常不聞宸翰之賜宴殊題舊學于神道未見几杖之頒自今將杖以戒噎則當思四海或有飢餒之民馮几以安身則當念一物或有顛連之歎或曰此孝孺代筆也

賜通天犀帶

李景隆北伐 賜通天犀帶

賜萬歲山竹

于少保謙病痰壅 上為幸萬歲山伐竹以賜

張少師賜物

張少師居正十二年滿

上為召吏部傳諭元輔居正受

先帝顧命夙夜在公任事任怨雖稱十二年考滿實在閣辦事十五年忠勲與常不同應得恩蔭等項着從厚會議來看尋遣司禮監太監張誠賜銀三百兩大紅蟒衣一襲紵絲四十表裏羊十隻酒六十瓶鈔十萬貫酒飯五卓雞十隻鶩五隻猪肉一百五十斤湯五品白麵一百二十斤香油三百二十斤白糖一百斤黑糖一百四十斤蜜二十五斤燭一百對柴三百扛蓮肉二十斤荔枝十斤圓眼十斤膠棗紅棗各二十斤栗子三十斤冬筍二十斤蔴姑



香菌花椒胡椒各五斤

湧幢小品云江陵奪情辭俸光祿寺每日送酒飯一卓各衙門
每月送米十石香油二百斤茶葉三十斤鹽一百斤黃白蠟燭
一百枝柴三十扛炭三十包其餘橫賜不可勝紀

賜封記

仇鸞為大將軍 上賜封記文曰朕所重唯卿一人得密封奏進
紀事

賜畫狀元印

吳偉 孝廟賜畫狀元印

俘獲

洪武三年春信國公徐達平章李文忠征沙漠大破廓擴帖木兒於川北擒故元王公及平章等官一千八百六十五人將校士卒八萬四千五百餘人獲馬萬五千二百八十餘匹橐駝驢騾雜畜稱是擴廓僅以身免文忠復進搗開平獲元主嫡孫買的里八剌及后妃宮人暨諸王省院達官士卒并獲宋元玉璽金寶一十五宣和殿玉圖書一玉冊二鎮圭大圭玉帶玉斧各一其他駝馬牛畜無算

洪武二十一年大將軍藍玉副將軍唐勝宗郭英討比鹵拾捕魚兒海皆定遠侯王弼為先鋒直薄鹵營眾遂降鹵王脫古思帖木

兒以數十騎遁去追獲其次子地保奴等六十四人及故太子必里禿妃并公主等五十九人又追獲吳王朵兒只代王達里麻及平章八蘭等二千九百九十四人軍士男女七萬七千三十七口得寶璽圖書牌面一百四十九宣敕照會三千三百九十道金牌印一銀印三馬四萬七千匹駝四千八百四頭牛羊一十萬二千四百五十二頭車三千餘輛聚鹵兵甲焚之奏聞遂班師兵制考

納哈出

洪武二十年大將軍宋國公馮勝等以故元降將納哈出所部官屬將校三千三百餘人馬二百九十餘匹金銀銅印一百顆金銀虎符及牌面一百二十五事王九國公郡王四大尉國公五行省

常國公既擒哈出其眾擊馬潰
河水夕大溪斷其後踣其帥五
十八來歸賜姓雁官以爵終五
十八河吳

丞相一司徒平章十三右丞左丞三十一參政知院三十二各院
使同知副樞八十一僉院院判二百二十八院副使五宣慰司僉
事一百八十九萬戶千戶路府州總管同知等官九百二十七尚
書參議二承旨學士十文學司馬七大卿司卿少卿十八衛帥府
僉事三郎中員外十五王府六蒙古宗人衛副使一各省大使二
十六廉訪使副鹽運司使副六衛帥府使一治書安撫司農各一
大少監理問斷事部郎中主事兵馬指揮府衛鎮撫崇福司使副
經歷太醫院官及州縣等官二百二十一將校一千四百餘人送
至京師

師生來朝

洪武三十年天下講讀大誥師生來朝者九十九萬三千^四百餘人

徙北平民

魏國公達徙北平山後之民三萬五千八百戶散處衛府凡已降而內徙者三萬四千五十六戶

紀事

蛋戶

洪武中倭數掠海上上既遣使命將築城增戍又命南雍侯趙庸招蛋戶島人漁丁賈豎自淮浙至閩廣幾萬人盡籍為兵分十千戶所於是海上惡少皆得衣食縣官云

紀事

吐征

永樂二十年北征餽運凡前後運用驢三十四萬車一十七萬七

千五百七十二輛挽車民夫二十三萬五千一百四十六人運糧
凡三十七萬石

安南

永樂五年安南平乃置交趾布政司使都指揮使司按察司分十
七府四十七州一百五十七縣衛十一所三市舶司一安插人民
三百二十萬獲蠻人二百八萬七千五百糧儲一千三百六十萬
石象馬牛一十三萬五千九百船八千七百軍器二千五十三萬
九千

張輔上交趾地圖其地東西相距一千七百八十里南北相距二
千八百里建設軍兵大小衙門四百七十二

安南班師之日文武吏士携家而歸者八萬六千六百四十人為
黎賊遮留不遣者又數萬人 紀事

四夸館

四夷館有八曰西天曰韃靼曰回回曰女直曰高昌曰西番曰緬
甸曰百夸永樂中所設也 七脩類稿

兩都

高皇帝建都南京金碧峰和尚啟之見客座新聞 文皇帝遷都
北京李至剛尚書啟之見野記 七脩類稿

二衛

皇祖國初時立君子舍人二衛君子衛居文官子弟舍人衛居武

官子弟以宣使李謙安子中領馬晝則侍從夜則直宿以為腹心
及登極後凡總兵官家眷俱要京師居住謂同享富貴二者雖若
寵之實防之也同上

三衛

案大明實錄洪武二十二年五月遣使敕諭故元遼王阿里失禮
等於大寧等處設立三衛以阿里失禮為大寧衛指揮使塔賓帖
木兒為指揮同知海撒男答為溪福餘衛指揮同知脫魯忽察兒
為朵顏衛指揮同知各領所部以安畜牧則長陵未許北鹵時山
後諸州皆先為其屬矣况復與之耶此亦當時之失計故居庸之
外所恃為藩籬者止宣府而遼陽一帶不可通也

七脩類稿

墩臺

成化二十三年都給事中劉昂等劾奏都御史余子俊妄費邊儲上命工部侍郎杜謙勘報還奏以子俊在邊未及二年費用官銀一百五十萬餘兩糧料二百三十萬石雖因供給軍馬脩築墩臺然勞民傷財不為元罪上令致仕云

大寧糧粟

洪武廿年大寧都督商弼奏所築大寧等城見貯糧粟大寧廿一萬石松亭關五十八萬石會州廿五萬石足供數年邊用

延綏鎮軍器延安志

大小車三十九輛 一丈長空木桶砲四位 五尺長空木桶砲一位 小竹火箭七千五百枝 生鐵小炸砲五千四百三十箇 生鐵大炸砲九箇 火箭桶一十三箇 鐵箭一百四十四枝 遮牌八面 磁炸砲八箇 生鐵蒺藜七千三百七十二箇 生鐵罐二箇 紙火繩五十六根 刀五口 鎗頭九十箇 大鉛子一百二十箇 鳥鎗鉛子三百九十六箇 鉛子六百箇 大小鐵子五十四萬四百二十七個 火罐三十六箇 磁炸砲三百八十三箇 鐵炸砲二百四十二箇 竹杆六千八百五十六根 火箭墜百七十箇 火箭頭一千四百八十箇 大小石子

一千三百五箇 起火三百一十箇 熟鐵蓋口砲一十八位
鎮殿銅將軍砲四位 鎮殿銅發貢壺砲四位 鎮殿生鐵將軍
砲六位 生鐵馬腿飛砲二十三位

烽火

舊制遇警日則舉烟夜則舉火鳴砲一沿邊傳至鎮城若不退每
一時照前舉行一次如出境日舉空烟夜舉空不鳴砲其三五
騎至百騎日則懸黃旗一夜則懸燈籠一二三百騎至五百騎日
則懸青衫一夜則懸燈籠二六七百騎以上日則懸皮襖
一夜則懸燈籠三千騎至萬餘騎日則懸青號帶一樞烟一夜則
懸燈籠四

文移相激

弘治初調監察御史姜洪為山西夏縣知縣洪巡按湖廣與總督
漕運都御史秦紘因公事文移相激紘批詞云劄付湖廣布政司
經歷司轉呈巡按監察御史姜洪照詳施行洪亦批云布政司星
馳差人咨稟淮安總督漕運官早行處置毋致臨時有誤國用於
是紘奏洪越禮不遜事下都察院刑科叅紘紛擾自傷大體都察
院亦言巡按御史令經歷司轉達巡撫都御史於事體無礙上
以事干名分命吏部會議之於是吏部尚書王恕等言洪詞失大
體刑科都察院詞涉偏向上曰洪批詞不遜有失大體難居風
憲調外任用都察院劄書官偏向不公各罰俸一月祖宗朝其

待巡撫與巡按體統懸絕如此今幾於倒置矣

庶吉士

庶吉士舊例不考察隆慶年間太宰虞坡楊公惡庶吉士之抗禮也欲察之館師太州趙公闕諸朝幾至攘臂乃不果察

昭代紀略

院長

翰林院掌院者例不帶印綬張江陵當國時一日諸學士入揖張忽問曰院長如何不帶印綬對曰不敢張曰敢問其不敢何苟一人對曰中堂在上是以不敢張曰我非翰林院官也張意蓋欲以宰相自異耳然今院長不帶印綬如故

昭代紀畧

光學士

翰林院學士近皆禮部尚書或侍郎兼之未有特授者也特授翰
林學士者名曰光學士禮貌甚優朝班則立於僉都御史之上出
則雙棍前導即道遇閣老亦不引避往時蒲洲張相公嘗一為之
此後未有繼者講讀學士比光學士不同然朝班亦在僉都御史
之下祭酒之上萬曆中田鍾台為祭酒劉和石以太常少卿兼侍
讀學士劉以田為前輩讓居其下今遂因之然此兼侍讀學士耳
若特授講讀學士者終當在祭酒之上以存舊章同上

十知貢舉

大學士嚴嵩禮部尚書胡濙十知貢舉吏部尚書蹇義王真十為

守令久任

國朝知府久任者湖州守
趙岳在郡十七年

永寧宣德間守令久任者陝西鳳翔知府扈進至三十年寧州知
州劉綱至三十二年 聖設

閣部久任

我朝內閣學士多久任三楊寵任終身無論矣正統而後曹鼎陳
循苗衷高穀皆十餘年彭時商輅先後入閣凡二十年李賢十年
萬安劉健皆十九年劉吉李東陽十八年劉琳十一年徐溥十二
年楊廷和謝遷梁儲皆十餘年 先公筆記

鄭端簡曰 忠定秉銓 忠靖握利權皆二十七年劉忠宣尚書
兩京三十九年而在南交者十九年胡忠安為禮部尚書三十二
年周文襄巡撫江南二十二年皆久任責成

續藏書

王

王翺在遼東十有一年于謙在河南山西一十八年陳鑑前陝西
巡撫久任
十餘年先公筆記

背刺字

嘉靖中南京禮部侍郎黃綰為言官所詆自言背刺盡忠報國四字下法司覆勘天下笑之正德五年錦衣衛匠餘曰宣上疏自言背刺精忠報國字詔本衛執之杖三十發海南充軍著在國史黃見之不當愧入地耶

王靖遠

正統十四年四川衛儒學訓導詹英言靖遠伯王驥都督宮聚等命征思機發不體上心惟縱已欲行李二三百扛動役五六百

人挾帶綵幣等物密散都司官以邀厚利却敢故違 祖訓擅用
閹割之刑以進御為名實留已用及至行師全無紀律大軍一十
五萬俱從一日起程蹂踐傷殘略不憫惜其運糧又不設法每軍
運米六斗搬負艱辛何以養銳以致有自縊而死者又指馱糧為
名派馬一千餘匹不知此馬何施又臨賊境金沙江邊攻圍不克
被賊殺死都指揮等官却將漢戶解作生擒遂令班師將地方分
與木邦孟甸反以敗為功欺天覬賞昔唐南詔有警侍御史李宓
將兵七萬擊之兵敗楊國忠更以捷聞范祖禹引管子之言曰君
門遠於萬里壅蔽之害深也 皇上深居九重豈知此弊乞將驥
聚執付法司明正其罪先遣廉幹官前途盤檢各官行李以謝天

兩廣蠻寇大起韓襄毅督
 兵進擊抵大藤峽道有儒生
 里老數百人跪持香曰我輩
 苦賊久矣今有幸遇天兵願
 先生軍鋒公大怒顧左右曰
 此皆賊耳縛斬之左右初亦疑
 既縛而視中利刃出乃悉剪頭
 散手足剗腸膏分掛竿棘中
 賊大驚沮曰韓公天威也遂破之
 前後斬獲四萬一千二百有奇
 德歲吉

人之怒以快士卒之心疏下兵部會同三法司議遣御史一員沿
 途直抵雲南同被處巡按御史從公實勘明確具聞 上以專任
 驥等征勦苗寇特原之

征蠻斬獲

成化初年韓襄毅雍以左僉都御史贊理南征軍務率漢達官軍
 一十五萬直搗大藤峽諸蠻巢穴擒斬賊酋長池大狗李吉衡楊
 光志等共四萬一千餘級奪回被擄男婦二萬餘人平寨洞八
 百三十六處二年蠻寇復發督兵征進柳州大容山北流容縣雞
 冠山博白等處擒賊酋鄭昂等共一萬九千餘級四年五年又歷
 征進謝仙牛嶺山等處擒斬首從賊七千三百餘級六七八年征

進團鄧山南寧等處擒斬首從賊共八千三百餘級十九年征進
七里沙田高鄉等處擒斬首從賊共七千九百餘級征蠻斬獲之
功無有過之者

金長史

雙槐歲杪云袁廷玉嘗以事過鄞見一婦乳女於榜廊哭甚哀問
之曰云夫當戍趙州今在酒肆飲旗軍飲畢即行矣廷玉惻然與
俱至肆所詰其夫曰我韓嶺金世忠也居以卜度日今缺戍為族
人賂卒長以我代行廷玉為相曰此尚書骨也勿慮因代償其酒
價且貸米二斗贈之曰富貴毋相忘金至戍以卜行 文皇召而
試之金有才辨應對藻起不窮遂得幸迨舉兵俾署長史篆累遷

兵部尚書兼詹事此可以補志傳之佚

默相事機

永樂封靖難功臣獨於曹國公李景隆兵部尚書如瑞都督王佐
謂默相事機忠誠茂著景隆加封號奉天翊運推誠宣力武臣特
進光祿大夫左柱國太子太師歲增祿米一千石茹瑺封奉天翊
運推誠守正文臣特進榮祿大夫柱國忠誠伯太子少保尚書如
故王佐封奉天翊運推誠宣力武臣特進榮祿大夫順昌伯俱歲
祿一千石終本身第考其功績景隆再率大軍北伐書檄指斥過
自誇大而所謂默相事機者惟云 上至龍潭景隆等以建文命
迎謁既見俯伏汗流浹背不敢仰視 上曰勤苦公等至此雅意

日疑師過金川門李景隆遂
與谷王開門迎降是年九月進左柱
國丘福等每言此降虜何以位我
輩上已而陳瑛勅景隆負橫九狀
并劾其弟增枝鎮守荆襄公行不
法 文皇大怒命褫其爵沒其田
產開門出禁袍喪葬嫁娶者五十
餘年初景隆感時有善相者云腰

贊厚景隆之器面如能花當
負剛以記至是果核 以表其錄

茹瑞衡少人請難師至汪上建
文君遣瑞詣運中勞河瑞私
稱臣獻密計燕師遂入正既定
詔封瑞忠誠伯永樂七年除名
回籍道經長沙坐不朝石王遠
下錦衣獄瑞懼命其子銓市
秋霜藏飯中送食遂死今上

良厚景隆等不能對久之始以割地講和為請 上曰公等作說
容邪云云乃遣景隆等歸報建文以索首禍姦臣為請復遣景隆
等到軍景隆等不敢行乃遣諸王而金川門之獻成矣三臣默相
之說絕不可曉豈已預納款或為內應耶不然據史所載何足封
也景隆監修實錄輔導太子預國大議弟增枝鎮荆襄又配茹瑞
子鑑以秦王女王佐出鎮雲南寄肺腑之任然不三載而皆獲罪
景隆奪爵闔門囚禁以死凡五十年而家屬始釋繫茹瑞道經谷
邸知其反謀不入謁下獄死其子遠徙家籍至洪熙始赦還之王
佐亦下獄死三臣踰分之賞與不測之禍必有故而不可考亦異
哉

翼戴

建文諸臣翼戴 文皇者兵部尚書茹瑄戶部尚書王鈇吏部右
侍郎蹇義戶部右侍郎夏原吉工部右侍郎黃福工部尚書嚴震
直戶部尚書古朴工部尚書鄭賜戶部尚書郁新兵部左侍郎劉
儁工部左侍郎張思恭禮部左侍郎王達翰林學士董倫王景侍
讀學士陳洽吏部郎中胡廣翰林修撰楊榮中書舍人黃淮待詔
解縉審錄楊士奇已謫而後用者工部右侍郎張顯宗大理寺卿
薛崑

鄭居貞

鄭居貞人洪武中舉明經授鞏昌判陞禮部郎中二十三年進河

南參政永樂初坐方黨論死初孝孺之教授漢中也居貞以詩送
之曰翩翩紫鳳雛羽翮備五彩徘徊千仞翔餘音散江海於焉覽
德輝濟濟鏘環珮天門何嗟哦群仙久相待晨沐朝陽夜息飲
沆瀣如何復西飛去去秦關外岐山諒匪遙啄食良自愛終當巢
阿閣庶以鳴昭代又次韻寄孝孺云閣下知名久相逢值暮春才
華曾動主議論每過人漢水原通蜀台州亦近閩何時江海上尊
酒話西秦次章云為問天台路何時別草堂千品空劍氣萬卷有
虹光為政憐吾拙摘辭屬子良方思歌伐木深負詠甘棠表忠

譚府掾

浙江甲午解元譚昌言嘉興人其父以資為府掾新參之日比舍

有母子哭者而甚哀譚問其故乃坐贓遣戍將以完贓而遣也母
止一子又年七十矣譚惻然曰可代乎曰若得分贓若干罪止徒
五年可贖矣顧苦攀它人難甚柰何譚慨然曰吾吏不過一芥耳
弃一芥而全母子之大不亦可乎然吾家貧贓贖必子自辦吾出
名分罪可也罪者不信曰世安得有此人譚竟白于府分其罪而
安全之退隱敝廬適甚也後十餘年而子昌言聯登為顯宦

蘆江雜筆

汪進士

徽州汪鳴鸞萬曆壬辰會榜第二十名二月十九日友人拉游報
恩寺其族弟同年進士某預馬先一夕鸞夢翼而升天喜甚謂其
弟吾廷試必狀頭也寺後有浮屠游者止可登第四級餘三級扃

之久矣鸞必欲登之僧謝以多年不開此論有所諱忌即塵網堆積難以頓除鸞必不已命僕持帚同上頂之飛塵下墮火起佛燈繞塔殿而上鸞竟然死同游皆仰視莫能救云

同前

一榜三及第

嘉靖己酉浙江舉人內唐公榘為狀元陶公鯤為榜眼趙公臯為探花南直甲子舉人焦公竑為狀元余公璘劉公珣皆為榜眼一

榜三及第亦異事也

萬曆戊乙酉以後內閣三公俱南直人申瑤泉狀元王荆石會元許潁陽解元內閣三人應三元之數皆出南直又大異事

狀元

狀元曾登解元者十一人黃觀

吳伯宗林環蕭時中陳循商輅

何潛彭教謝遷李昊楊維聰

狀元曾登會元者八人黃觀商

輅吳寬錢福倫文叔楊守勤

故周廷儒

狀元官學士二十三人

吳伯宗 胡廣 曾榮 陳循 曾鶴齡 邢寬 馬愉 曹

禹 劉儼 商輅 彭時 柯潛 孫賢 吳寬 王一夔

謝遷 曾彥 費宏 顧鼎臣 唐皋 李春芳 姚洙 羅

萬化

狀元入閣辦事者十一人

胡廣 曹禹 馬愉 陳循 商輅 彭時 謝遷 費宏

顧鼎臣 李春芳 申時行 癸丑 周延儒 壬戌 文震孟

狀元有謚者二十六人

胡文穆 廣 曾襄敏 榮 馬襄敏 愉 曹文忠 禹 施莊僖 槃 劉文介

我朝狀元以直諫被言者文羅
倫張昇 於也倫論李文達奪情
昇論劉古芬諫南此三者可
謂不負文科矣

儼儼

商文毅 輅 彭文憲 時 孫襄敏 賢 黎文僖 淳 王文莊 一夔 羅文

毅 倫 張文僖 昇 吳文定 寬 謝文正 遷 費文憲 宏 毛文簡 澄 朱恭

靖 希周 顧文康 鼎臣 呂文簡 枏 羅文恭 洪先 李文定 春芳 諸文

懿 大綬 丁文恪 士美 申文定 時行 羅文懿 萬化

二羅

成化丙戌羅狀元倫以言事謫外復官脩撰贈諭德謚文懿嘉靖

己丑羅狀元洪先亦以言事為民官止贊善贈光祿少卿謚文恭

兩人地同姓同大魁同言事同講學同從六品得謚同贈官從五

品同尤為奇絕

馬李

宋乾道中單尚書夔生母媵也又往耿氏生侍郎延年及死尚書
侍郎爭葬其母一時以為美談永樂中長樂馬某娶妾生子鐸矣
而妻妬不容嫁之同邑李氏方有娠未幾生子故以馬名之後鐸
中永樂壬辰狀元馬中戊戌狀元一母而孕兩狀元可謂曠古之
奇

五桂

嘗熟章御史珪 國初以薦舉起家五子儀正統辛酉助教格景
泰辛未大理卿表景泰辛未叅議律景泰甲戌僉都度景泰庚午
知縣時稱五桂聯芳以擬竇氏按吉水張博士安禮亦以薦辟起
家子伯穎洪武甲子脩撰士愷洪氏乙丑知縣宗璉永樂甲申中

允汝勤永樂壬午持永永樂癸未亦得稱五桂又長樂陳教諭德
隆景泰丙子子讓弘治乙卯謹弘治壬子同知談正德戊辰知府
讚嘉靖癸未副使鑾正德己卯知縣公安袁氏宗道宏道中道皆
進士履道致道皆萬曆庚子黃岡王知縣麟弘治己未子廷梅嘉
靖癸未知府廷槐廷植廷儒廷錄皆舉人曹縣王叅政珣子崇文
崇獻崇仁崇儉皆進士崇儒舉人方諸宋代恐燕山不得專美於
前也

洪漢

洪漢成化壬辰進士嘗考一榜有兩同名者必一盛一衰是榜有
兩洪漢而徽州字朝宗者名位不甚顯不但壬辰如永樂乙未有
兩葉恕宣德庚戌有兩王復正統丙辰兩李春景泰戊辰兩張瑄
兩劉瑄俱在辛未一科天順丁丑之王道成化丙戌之徐霖己丑
之鄭宏甲辰之王溥其在弘治則癸丑曹瓊丙辰陳定壬戌魯鐸
正德辛未王璽辛巳王朝用而丁丑則三張淮嘉靖丙戌壬辰戊
戌辛丑四科同名者張守約高節章煥陳善幹見官爵歷年相同
者然位無崇卑久近惟不愧於心不負其職為可貴耳若洪漢者
豈非千古中一二人哉漫及之見古同姓名錄不虛云

靈敏不古中一二人出黃表以是古同越亦疑不惑云

昔楚向無崇早六世卦不野公不自其相高何音耳林

又陳女細科同也答若中德高者學政新喜得且官備無五財同

如謝承承廷書卷曰主陳保而亡安捕三都卦漢教內外生身如

長順深甲身之五其其卦無在陳楚至曹數丙身則以之效魯難

西股擊射於羊亦一卦大師也無元注動而外以內之徐霖曰五

凶象亦宜射也丙身而五數五動丙身凶平春景泰丙身西康重

西此東而蘇州亦隨宗首子亦不基離不引壬身以亦樂子亦甫

其東此也壬身則壬嘗於一卦甫而回也首必一過一息是難首

共舉

科場

再試

洪武丁丑會試考試官學士劉三吾安府紀善寶坻白信稻取宋
琮等五十一人中原西北士子無登第者入對大廷賜進士及第
闕縣陳郊為首吉安尹昌隆次子之會稽劉諤又次之被黜落者
成以為言上大怒下詔命儒臣再考下第卷中擇文理優者復
其科第於是侍讀定海張信侍講奉口戴彝春坊右贊善寧海王
俊華平度司憲右司直郎永嘉口謙司經局校書瑞安嚴叔載正
字樂安董貫二府長史惠安黃章韓府紀善無錫周衡靖江府紀
善吉水蕭楫及陳郊等首甲三人受命人各閱十卷或聞三吾與

信宿至其所囑以卷之最陋者進呈 上益怒章進一卷答君臣
同遊策有曰貴而在上者君也賤而在下者臣也貴以臨賤賤以
承貴叔載進易義有曰一氣交而歲功成 上曰君臣同遊本為
君明臣良以成千載一時之盛今言貴賤正譏如今臣下犯罪不
復寬容矣陰陽必二氣乃交感今日一氣交則獨陽不生孤陰不
成誠為悖理於是取六十一人殿試再賜策問以山東韓克忠為
首六月辛巳朔也先是丙子春 上命翰林院官三吾及張信等
詹事府官司憲王俊華張謙嚴叔載董貫及黃章等編纂歷代帝
王自堯至元順帝三千七百餘年行事善可為法惡可為戒者提
其精要列注各君之下至是年四月撰述漢武帝以長安獄中有

天子氣遣使詣郡邸獄罪無輕重皆殺之丙吉治獄拒不納上
見之以其譏誅胡黨也因命刑部拷訊諸閱卷者併祭酒楊淞皆
出胡黨唯三吾信稻及司憲為藍黨彛及昌隆不與併宥三吾餘
皆殛戮郊謬進卷不行明白用筆批直有惑 聖覽吏部奏發威
由安置四月初二日恩宥取回郊降鴻臚寺司宥署丞謬降司儀
署丞已而御史劾奏皆連坐以死宋琮竟能脫刑僂享遐齡云歲抄

公論

庚辰鼎元張江陵子也傳臚之日公自閣中歸方飲酒歡甚忽傳
兵部送緊急塘報開函則內有簡云侍生公論拜賀老牛舐犢愛
子誰無楚鳥為鸞欺君特甚公覽之大怒亟索其人已亡去矣此

四句蓋宋人以刺秦檜者也 漫錄

宋韓忠獻公之子欲應舉公曰科舉以待寒微汝既有入仕之路何必與寒士爭名後其子以蔭官至門下侍郎為宋名臣古之大臣用心如此近時宰執大臣為子孫計以入監為不足蔭以中書等官為不足任而必欲其以科目進於是操柄之人意指默授典文之司機括潛通而倚雲栽杏和露種桃者紛如乃至狀元及第亦相與附和而不覷夫國家凡百制度有司皆得以私意其間唯糊名易書一路公道猶存乃今隕之自柄臣始也往日試目皆場中臨時所擬今則預白相府棘闈未開而人已知試目締構以俟暗蔽關節故龍虎榜未放而人已知某之

子某之孫必入彀矣景泰丙子順天鄉試內閣陳循王文之子
不中式至訐奏考官欲置之罪高學士穀密言於上曰大臣
子與寒士並進已不可况又不安義命欲構考官可乎由是二
考官得釋而特賜二子舉人至弘治乙丑謝遷遂以其子丕及
第矣正德戊辰內閣焦芳以子黃中不得狀元降調翰林諸執
事至辛未楊廷和卽以其子慎及第京師人稱為面皮狀元矣
萬曆以來大臣子臣宦緣科甲者尤多昔宋雍熙間宰相呂蒙
正之弟蒙亨李昉之子宗諤與許度支王鹽鐵之子皆以父兄
為執政罷之嘉靖甲辰翟鑾以其二子成進士時人語曰一鸞
當道雙鳳齊鳴世廟為之并黜其父欲清科場之弊當以此

為例官海夢談

面皮狀元

舊制殿試讀卷大臣凡有血屬與試俱請迴避正德辛未楊廷和在內閣其子慎將殿試廷和亦以迴避為請上不許即如常以入是年慎遂為大魁京師目為面皮狀元有凶名子遂一詩於楊末云假使四公皆有子狀元不識着誰填時內閣有四閣老故云外紀

試卷譏訕

嘉靖三十五年李默以吏部尚書主會試趙文華自江南還默盛
氣折之文華劾其所試策題以漢武征伐四裔而海內虛耗唐憲
宗功成准蔡而晚節不終為譏訕 上怒下默獄刑部尚書何黿
擬子罵父律絞竟死於獄

嘉靖癸卯葉經主山東試 上閱試錄手批曰策語含譏禮部尚
書張望奏今北口不入犯乃 廟謨所懾而策謂饜飽而去乃逮
經杖死闕下

夾卷

萬曆丙辰大學士吳道南主會試取沈同和會元同和父沈季文

中馮夢富甲京省童緣科第趙鳴陽為之夾卷及放榜同和第一
禎榘姓鳴陽第六京師闕然元卷并坊刻相出入隨經科臣彈劾覆試戊
白同和謫戍鳴陽削籍

關節

天啟辛酉錢謙益典浙省試受錢千秋數千金以一朝平地上青
天七字為關節因而中式繼經論劾陰使千秋逃避沉閣不了謙
益告病引退崇禎二年禮部尚書溫體仁上蓋世神效疏再三復
案罪狀始結陳氏筆記

因字

萬曆十六年禮部郎中高桂疏參順天鄉試第十一名李鴻論語

篇腹中有一因字考之海篇直音因音匿謂私取貌詢之吳人土
音以生女為因此其為關節明甚孟義大結尾云呼偽而可以為
因吾未知新莽之果不可為周公也經書云篇結云傳巖之遇方
自以為不世之遭卽有賢者豈能盡其右而曰吾姑待之豈理
也哉文義難通又若此第二十名屠大壯論語首篇云以從來
之識見合諸前此之圖謀以新生之意見合諸初時之謀議有以
一夫奏言徹行者中庸篇云道之端由此造其知乎道之端由此
造其能乎孟義大結云之噲者流與唐虞爭烈至後場以創作瓶
以闢作壁以蜉蝣為浮游等字大率不通類此卽寘之於小試當
在斥降之列况可以玷賢書乎

俞山別集

引用莊列

崇禎六年禮部為遵旨具奏事奉 旨取士有體不許引用莊列
雜書剽竊炫奇雖工弗錄考官寧不知之這黃美中論詞怪誕不
經何以取中丁進等著作速回話部科奉 旨查奏祇以荀氏之
言為載之典籍其山河大地摩尼五色又出何書觀經御前摘發
尚爾一片隱狗其餘各卷可知也着回將話來

綠樹青山

昭應天黃美中卷有奢閭嫫刀綠樹青山之句奉 旨查兵部職
方司主事賀王盛論劾大學士溫體仁中姚軒之關節有據原卷
中有推蓬起看依然綠樹青山等語

報郎

稱號

兩脚書厨

長陵陳濟善記書

長陵嘗謂濟為兩脚書厨

叢話

埋羹太守

王璣日照洪武末以賢能授寧波知府自奉儉約一日見饌兼魚

肉大怒令撤而埋之號埋羹太守

長齋御史

沙河朱裳少勵清節及為御史寒約如故人稱為長齋御史云

秋石尚書

無錫顧可學以參議家居矚上好長生因重賄嚴嵩自言能煉



童男女溲為秋石服之可以却老嵩薦於上歷官太子太保禮部尚書人呼為秋石尚書

清客宰相

編脩倪元璐屢言事大學士來宗道謂曰渠何事多言吾詞林故事唯香茗耳時謂宗道清客宰相紀事

陳烙鐵

陳寧初名亮奉陵人洪武二年以兵部尚書出為松江知府政尚嚴酷人呼為陳烙鐵豫章漫抄

倭房公

萬曆十三年房寰為南直隸提學御史凌士納賄恣睢狼藉吳人

號為倭房公擬阿房宮賦以志恨漫錄

金狀元

一甲三人孫賢徐溥徐轄各以貌色稱有金狀元銀榜眼鐵探花

之日

鳳洲雜編

小方面

正統中郭璉為福建叅政時年二十四人呼為小方面聞紀

陳木匠

正德丁丑凡入翰林者皆有一諱名如陳沂喚作陳木匠鄺灝喚作鄺警馬馬汝驥喚作馬小姐皆以狀貌相似而言外紀

邵半江

邵郡守 以半江帆影落樽前 句人呼為邵半江 續藏書

蘇綉鞋

蘇平海寧少時作繡鞋詩人呼為蘇綉鞋

杜赤壁

杜庠 長洲人 過赤壁題詩人呼為杜赤壁

馬清痴

嘉定馬愈縱佚不羈人號為馬清痴

王青菜

刑部尚書王質始繇教官薦授御史在蜀以廉稱出巡唯蔬食而

已人呼為王青菜 古懷雜錄



冷面寒鐵

南海周新為浙江按察使廉梗有威後稱為紀綱所中死人稱冷面寒鐵公

窮鬼

劉都督璽居官廉潔巡按穆御史薦之有僚友比之學官家人謂之窮鬼等語及推總漕運上識其名喜曰是前窮鬼耶亟可其奏

萬歲閣老

宋王珪自政府至為首揆凡十六年無所建明有三旨相公之目傳笑史冊本朝泰陵在位淵默日久一日召見輔臣有所訪問

猝不能對但叩頭呼萬歲而已當時目為萬歲閣老可作一對

堪輿相公

朱國祚舊臣錄用不自廷推猶且出山無色如游方之益遠矣如
游之言曰相擇山陵精力盡耗即使精力耗於相擇驟膺揆地是
又當添一堪輿相公矣

張慎言論
孫如游疏

金精大王

雲南左布政使王維章貪婪凶狀滇地多黃金維章搜索不已人
呼為金精大王

書劄式

洪武三年詔中書省臣曰今人於書劄多稱頓首再拜百拜皆非
賢其定為儀式令人遵守又小民不知避忌往往取先聖先賢漢
賢國寶等字以為名字宜禁革之於是禮部定議凡致書於尊者
稱端肅奉書答劄稱端肅奉復致平已者奉書奉復上之與下稱
書寄書答卑幼與尊長則云家書敬覆尊長與卑幼則云書付某
人其名字有天國君臣聖神堯舜禹湯文武周漢晉唐等國號悉
令更之此事後來不復講矣

誥勅

成化以前誥勅之體猶為近古其餘本身不過百餘字祖父母父

母潛妻室不過六七十字言之者無費詞承之者無愧色至嘉靖
初藻情節偽張百成午至以萬乘之尊下譽匹夫匹婦之賤殊非
體制大學士張璁嘗以此為言一時詞林稍見釐正至夏言當國
用進士董子儀聞入德行等在東房撰誥勅一日草封妻勅命有
傳奇儀容俊雅德性幽閒之語大足淫褻矣後來惟常熟瞿景淳
學士撰詞獨古雅冲淡極爲得體慶曆以來更用四六排比可厭
白樂天所謂但博愚者悅不顧智者謂是已乃上讀王言波靡之
弊不知其至此也

嘉靖初徐侍御如珪謫出復
以遷廷評入不欲忘舊街投草
刺曰臺未於他刺曰臺駁亦有
白太常少卿若珪性謙下投
諸樞權貴人刺曰小學生一
好事者作四言云臺未臺駁
則小學因是一珪徐如白若聞
其絕倒耳談

投刺

余初於西曹見談舊事投刺有異者一大臣於正德中上書太監
劉瑾云門下小厮某上恩主老公嘉靖中一儀部郎謁朔國公
勛則云渺渺小學生某皆極卑謫可笑然至余所親見復有怪誕
不經者一自稱不佞至通家不佞年家不佞治下不佞鄰治不佞
眷不佞一自稱牛馬走亦曰通家治下牛馬走一曰湖海生形浪
生一曰神交小子一曰將進僕一曰未面門生一曰門下沐恩小
的一日待罪生皆可嘔穢不堪捧腹

觚不觚錄

書畫

分宜當國而其子世蕃挾以行贖天下之金玉寶貨無所不致其

最後乃始及法書名畫蓋姑以免俗且鬪侈耳而至其所欲得往往假總督撫按之勢以脅之至有破家殞命者而價亦驟長分宜敗什九入天府後復佚出大丰入朱忠僖家朱好之甚豪奪巧取所蓄之富幾與分宜埒後沒而其最精者十二歸江陵江陵受他餽遺亦如之然不能當分宜之丰計今籍矣若使用事大臣無所嗜好此價當自平也

濫觴

畫當重宋而三十年來忽重元人乃至倪元鎮以逮明沈周價驟增十倍審器當哥汝而十五年來忽重宣德以至永樂成仙價亦驟增十倍大抵吳人濫觴而徽人導之俱可怪也今吾吳中陸子

扇

剛之治玉鮀天成之治犀朱碧山之治銀趙良璧之治錫馬勳治
周治治商嵌及歛呂峻山治金玉小溪治瑪瑙蔣抱雲治銅皆比
常價再倍而其人至有與縉紳坐者近聞此好流入宮掖其勢猶
未已也

同上

時尚

古今好尚不同薄技小器皆得著名鑄銅如王吉姜娘子琢琴如
雷文張越密器如哥密董密漆器如張成楊茂彭君寶經歷幾世
士大夫寶玩欣賞與詩畫并重當時文人墨士名公巨卿炫赫一
時者不知湮沒多少而諸匠之名顧得不朽所謂五穀不熟不如
稊稗者也近日小伎著名者尤多然皆吳人瓦瓶如龔春時大彬

價至二三千錢壘春尤稱難得黃質而膩光華若玉銅鑪稱胡四
蘇松人有效鑄者皆不能及扇面稱何得之錫器稱趙良璧一瓶
可直千錢敲之作金石聲一時好事家爭購之如恐不及其事皆
始於吳中獮子轉相售受以欺富人公子動得重貨浸淫至士大
夫間遂以成風然其器寔精良他工不及其得名不虛也千百年
後安知不與王吉諸人并傳哉

瓶花齋集

坊刻

嘉靖以前士習淳厚房禍坊刻絕無僅有評選程墨行于世者教
清江項甌東也嘉靖末年毘陵吳崑楚吳江池虹達游於荆川之
門學有原委始有正脈玄覽之刻學者皆宗尚之厥後則有劉景

龍之原始范光父之文記皆以軌範先民本原正始而時賢之窗
稿青衿之試牘皆不得闡入焉萬曆之中婁江王逸季始下操月
旦之評然用以別流品峻門戶而已未及乎植交萬曆之末武林
聞子將始建立垢墀之議然用以振朋儕厲聲氣而已未及乎牟
利啟禎之間風氣益變盟壇社墀奔走號眺苞苴竿牘與行卷交
馳除目邸報與文評雜出詆言橫議遂與國運相終始以選文一
事徵之亦當代得失之林也 牧齋有學集

俗號

天下十三省俗皆有號莫知所始如陝西曰豹山西曰瓜山東曰
跨河南曰驢蘇浙曰鹽豆江西曰臘雞福建曰癩四川曰鼠湖廣

曰乾魚兩廣曰蛇雲貴曰象務各以相嘲然江西臘雞寔元時江
南之通號不宜獨坐間廖鳴吾戲廣東倫公云人心不足蛇吞象
白山云天理難忘獺祭魚舉子張儼與一廣士善每見輒曰委蛇
委蛇士應之曰碩鼠碩鼠亦切對也

湖海搜奇

近近峯間略云今人呼謔之語皆有所本如宋都汴有何家數
數者其下行貨濫惡故呼何數今越人云數頭者當是南渡之
遺也吳人善治豆豉遂以呼之所謂千里萸羹未下鹽豉者也
閑人多疥呼綿錦襖故云癩子見類說粵人善食蛙蛇秦少游
謂蛙蛇當家口故粵有蛇呼秦人不識豹稱為程故秦者豹呼
衛地產驢呼驢為衛故洛有驢呼中州人謂蜀人誕故稱川蟲

苴見山谷集老鼠其訛語口口遂良諫立武后昭儀在簾中大
言曰何不撲殺此獠注西南夷曰獠今山西人呼獠疑此青齊
人呼奮以貌言也於布尺亦云滇人善馴象呼象奴荆楚人善
治醯魚海錄碎事作鮑呼乾魚元南人仕于朝者多以醋雞為
贄見草木子今特江西呼臘雞或曰吉安畜老雞能療病其價
數倍故乃云

打行

蘇松淮揚之間有等喇虎天罡結黨立盟名曰打行又有一等鐵
棍把持衙門綽風捕影名曰禁火團

張繼孟疏

撞太歲

京師依托官府賺人財貨者名撞太歲吳中名賣廳角江西名樹
背張風皆穿窬之行水南翰託

吃蔗頭

長安人嘲詞林入閣謂之吃蔗頭

籤部

吏部尚書孫丕揚更定選法親自抽籤注缺時人嘲銓部為籤部

戲包

京中有婦女嫁京外人為妻妾者初見時以美者出拜及臨娶則
以醜者換之名曰戲包兒

馬籠頭

近時舉子之文冗贅至千有餘言者不根程朱妄自穿鑿破題謂
之馬籠頭處處可用也又謂之舞單鎗鬼一跳而上也起語百餘
言謂之壽星頭長而虛空也其中例兩
乎
謂之謂之此
之謂此之謂有見乎無見乎名曰救命索篇篇相聚可為世道長
太息矣升菴

剪溜

今俗有偷兒剪去人身財物謂之剪綰京師中云剪溜蓋言一剪
便溜也

攏繹

京師人店間曰攏繹勒脇曰拿訛頭指托曰撞木鐘

窯器名畫

薛岡

國朝永樂宣成正嘉窯器與宣廟銅鑪數百年後價視宋時諸
瓷商周彝鼎必翔宋瓷色製雖古雅而器之精工細澤遠遜今代
彝鼎出土者反易致宣鑪在今日已不多得矣吳中名畫如沈起
南文徵仲唐伯虎陳道復諸公後世珍之不在趙文敏米襄陽黃
癡倪迂之下而吾鄉金本清太僕畫竹亦必在文與可蘇長公之
間以其皆文人之筆无一毫画工色相更難在每画之中詩與書
法無一不佳百世可知推之以理

笑謔

衆父父

江陵相父七十朝紳各以文質貢諛獻佞唯力是視衆方厲目一
二作者及見其文莫不絕倒或稱嘉靖初年上帝南顧荆土將產
異人以相君寄之封君或稱相君為衆父封君為衆父衆父父
者蒼蒼是也中間不典之詞大都類此

筆塵

易犬

萬曆甲申長安有七子之目萬曆辛卯長安有八犬之目皆時相
入幕之賓也八犬事連山人下獄實狀為一犬所賣別易一人以
進其不甘上疏自白時人謂易犬云

給相門事

給事中錢夢昇附沈一貫時有布衣在一貫座夢昇戲之曰昔之
山人山中之人今之山人山外之人布衣應聲曰昔之給事給黃
門事今之給事給相門事識者喙之紀事

三身

禮部主事鄭振先疏論輔臣沈一貫朱賡李廷機為過去見在未
來三身容受衣鉢顯靈封章甚且比之李林甫盧杞秦檜云法傳

比之於象

大司馬黃嘉善在班行中人比之於象謂其昂然大物日但食俸
班行好看而他事事可憎也

本是王韋

弘治乙丑閣試庶吉士以春陰為題王韋賦得歌行為諸老所賞
時儲柴墟過訪陸子深適在座因索其稿讀之儲擊節歎賞曰絕
似溫李陸戲曰本是王韋益指摩詰蘇州以謔之也為之一笑

外紀

戲敵

施吳兩同年常與謔菴戲敵施癯言寒可畏吳肥言熱可畏爭持
良久謔菴曰以兩君之姓定之亦不相上下一迎風則僵一見月
而喘謔菴小品

莫踰尊號

香山何公號象岡者一日作對相難問海狗駢何對謔菴曰

人

溫州市圖書館

WENZHOU LIBRARY

為雞相與閔堂而散 詩傳

食千株松

王季重過汴上語林宗先生人生幾何吾家園手植千株松今謾
設作濤報矣先生曰如此猶戀戀十丈軟紅塵耶季重感額曰膝
有八兒子強顏為此輩出不則飢死矣先生曰何不食千株松季
重匿笑去 書影

此詩見蘇軾詩集卷之四十一
蘇軾詩集卷之四十一
蘇軾詩集卷之四十一
蘇軾詩集卷之四十一
蘇軾詩集卷之四十一
蘇軾詩集卷之四十一
蘇軾詩集卷之四十一
蘇軾詩集卷之四十一
蘇軾詩集卷之四十一
蘇軾詩集卷之四十一

下筆，而青年之酷愛文學甚多，如果有人作『新儒林外史』，材料倒不怕沒

到表現，故可說『由於有』

此言者他自已先就証實

長懶，所以他自然只徒羨

能好文藝的原因，却不去

與夫當今社會環境對於

，不外兩個原因。第一

鄭樵對於歌詞與故事的見解

，願圖剛

近代日本文學上

海嘯

鄉愁

海世雷

海鳥

別淚

夢

海角底孤星

惆悵

永心女士

落難生

永心女士

紙船

女人我很愛你

約翰我對不起你

你說你愛

什麼是愛

灰色與俄國社會運動

於整理國故的一種真誠求
的方法對不對，成績好不
；即使意過分嚴格的批評
現在有人批評整理國故，
主觀，說整理國故的人們
，便是不通英文的人以此
那種武斷的態度，謾罵的
底里的忠告。這種論調，
懼云云，自然更不如了，
見喪亂之世，可嘆可笑的

海外交換消息.....沈雁冰
讀後感(五篇).....趙寄等
希和譯
詩歌十二首.....徐志摩等
阿史德洛夫斯基年表.....耿濟之
阿史德洛夫斯基評傳.....耿濟之
(法國巴比塞作) 劉延濤譯
(丹麥安徒生作) 顧均正譯
蝴蝶.....
摺秋白
H. T. 譯
一橋
你愛我.....
約翰我對不起你.....
女人我很愛你.....
落難生
永心女士
紙船.....
永心女士
落難生
永心女士
惆悵.....
永心女士
落難生
永心女士
海角底孤星.....
夢.....
梁寶秋
一橋
海鳥.....
梁寶秋
海世雷.....
落難生
鄉愁.....
永心女士
海嘯.....
梁寶秋
近代日本文學上.....
謝六逸
願圖剛
兩姊妹.....
徐志摩
某美婢.....(日本武者小路實篤作)周作人譯

小說月報十四卷第十一號要目

新式
標點符

紅樓夢 四冊 每冊二元二角
平裝四冊三元二角
平裝六冊三元三角

水滸 五冊 每冊二元二角
平裝四冊三元二角
平裝六冊三元三角

儒林外史 六冊 每冊一元六角
平裝二冊一元九角
平裝三冊二元二角

已 標出膠二星海 以爲本刊

印刷精良 校對精工

第二期 我

念刊物外。並繼于將下期

別啓事